

# **ତେସଲନିକୀୟମାନଙ୍କ ନିକଟକୁ ପାଉଲଙ୍କ ପ୍ରଥମ ପତ୍ର ତେସଲନିକୀୟ ମଣ୍ଡଳିକୁ ପାଉଲଦି ପାରୁତୁମ୍ ଆକୁ ତେସଲନିକୀୟ ଆକୁ ବିସୟତାନ୍ ଏସ ମାଟା**

୧ ତେସଲନିକୀୟ ପ୍ରେରିତ ପାଉଲତି ମାଣାନ୍ ରାସାତାମାର୍ହାତ୍ ୧:୧ । ଇକା ଆନାତ୍ ପାଉଲତି ମାଣାନ୍ ପାରୁତୁମ୍ ଆକୁ ରାସାତାମାର୍ହାତ୍ ମାରିଆକା ବାଇବଲତି ଉନ୍ତ୍ର ବାଟ୍ ଆତାମାନାତ୍ । ଇକା ଜିସୁ କ୍ରିସ୍ତଦି ଜନମତି ପାକାପାକି ୫୧ ବାର୍ସେକ୍ ଝେନକା ରାସାତାମାନାତ୍ । ପାଉଲ ଏସ୍ତିଝାଲେ ତେସଲନିକି ମଣ୍ଡଳିକୁ ସିଟି ରାସ୍ତାନ୍, ନାସ୍ତିଝାଲେ ଝାନ୍ କରନ୍ତି ମଣ୍ଡଳିକୁ ମାର୍ହାନ୍ । ଆମା ମଣ୍ଡଳିକି ଝାନ୍ ରିଜା ସନି ଝାଲେ ଆୟା ମଣ୍ଡଳି ତିଆର୍ କିତାମାର୍ହାନ୍ ପ୍ରେରିତ ୧୭:୧-୧୦ । ଇକା ପ୍ରେରିତ ବଇଦୁ ଇନାୟଆନାତ୍ ଜେ, ଇକା ଏସ୍ ଜିହୁଦି ମାରି ଏସ୍ ଗ୍ରିକ୍ ବାସାଦାନ୍ ଝାର୍ଗିଜିମାନି ଲୋକା ମାଣାନ୍ ତିଆର୍ଆତା ମାର୍ହାତ୍ ।

ପାଉଲ ମଣ୍ଡଳି ତିଆର୍ କିତିଝେନକା ଝାନ୍ ନାଣ୍ଟ ଦିନ୍ ତେସଲନିକୀୟଦୁ ତେବାଦେଙ୍ଗ୍ ଆର୍ଏତାନ୍ । ଆଦେଙ୍ଗ୍ ସାରାସାରିଝେନକା ଆବେନୁ ମାନି ବିସବାସସିରିଙ୍ଗ୍ ସାହାସ୍ ସିଦେଙ୍ଗ୍ ଝାନ୍ ଇୟା ସିଟି ପୋଅକ୍ତାନ୍ । ଅରେନ୍ କ୍ରିଷ୍ଟୟାନ୍ ଏଣ୍ଡେସ୍ ଜିଦେଙ୍ଗ୍ ଆନାତ୍, ଇୟା ସିଟିଦୁ ନାଣ୍ଟ ବିସୟ ମାରି ଆଇଆଇ ସାମାନ୍ତ ଆଦେସକୁ ତେବାତେମାନେ ।

ପାଉଲ ଏସମାନ୍ ମାରିଉନ୍ତ୍ର ଦେବା ଝାନି ବିସୟତାନ୍ ମୋନ୍ଦିୟାନ୍ ସିନାନ୍ । ଆନାତ୍ସୁଗି ତେସଲନିକୀୟ ମଣ୍ଡଳିଦି ବିସ୍ବାସିର୍ ଟିକ୍ତାନ୍ ଇୟା ବିସୟତାନ୍ ଝେଡିକା ମାର୍ହାର୍ । ପାଉଲ ମାରିଉନ୍ତ୍ର ଦେବା ଝାନି ବିସୟତାନ୍ ଝେରସି ଏଣ୍ଡେସ୍ ମାପୁରୁଙ୍ଗ୍ ଝେଡିକା କିନି ଝାଜା ଜିନିମାଡିନି ଉଣ୍ଡିଙ୍ଗ୍ ଆଦେସ୍ ସିନାନ୍ ୫:୬-୮ ।

## ଇୟା ଆବୁଦୁ ମାନି ଏସ ମୁକିୟ ବିସୟ

୧. ପାଉଲ ମଣ୍ଡଲିଦିଙ୍କ ନମସ୍କାର କିଛି ମାରି ମାପୁରୁଙ୍କୁ ଦନ୍ୟବାଦ କିଛି ଇୟା ବଇ ଆରାମ୍ କିନାନ୍ । ୧

୨. ଝେନ୍‌କା ଖାନ୍ ତିମତି ତାତିମାନି କାବୁର୍ ମାରି ଖାନି ପାଣି ବିସୟତାନ୍ ବୁଜାକିତାନ୍ । ୨-୩

୩. ପାଉଲ ଆଦେସ୍ ସିନାନ୍ ଜେ, କ୍ରିଷ୍ଟନ୍‌କୁ ଜିସୁ କ୍ରିସ୍ତଦି ମାରିଉନ୍‌ତ୍ରି ଦେବା ଖାନି ଜାୟୁତୁ ଏଣ୍ଡେସ୍ ଜିନିମାଡିନିକା ମାନାଡ୍ । ୪:୧-୫:୧୫

୪. ପାଉଲ ମାରିଉନ୍‌ତ୍ରିଦେବା ମଣ୍ଡଲିଦିଙ୍କ ନମସ୍କାର କିନାନ୍ ମାରି ଖାରିଙ୍ଗ୍ ଏଣ୍ଡେସ୍‌ବା ସିଟି ପଡ଼ାଦେଙ୍ଗ୍ ଝେରସି ଝିସ୍‌ନାନ୍ । ୫:୧୭-୨୮

୧ ☆ପାଉଲ, ସିଲା ମାରି ତିମତିଦି

ଲାକ୍‌ତୁ ଡେସଲନିକିଆଦୁ ମାନି ବୁବା ମାପୁରୁ ମାରି ପ୍ରବୁ ଜିସୁ କ୍ରିସ୍ତଦି ବିସ୍‌ବାସ୍‌ତି ମଣ୍ଡଲିଦୁ ଇୟା ଆକୁ ।

ବୁବା ମାପୁରୁ ମାରି ପ୍ରବୁ ଜିସୁ କ୍ରିସ୍ତଦି ଦୟା ମାରି ସାନ୍ତି ମି ଉଣ୍ଡିଙ୍ଗ୍ ଆପିଡ୍ ।

### ଡେସଲନିକିୟରି ଜିବନ୍ ମାରି ବିସ୍‌ବାସ୍

୨ ମାପ୍ ଝିଜୁଦିନ୍ ମି ଝିଜୁଲୋକାଙ୍ଗ୍ ଉଣ୍ଡିଙ୍ଗ୍ ମାପୁରୁଙ୍କ୍ ଦନ୍ୟବାଦ୍ ସିଜିମାନାପ୍ ମାରି ମା ପାର୍‌ତନାଦୁ ମି ବିସୟତାନ୍ ଝିଜୁଦିନ୍ ଝେରସିମାନାପ୍ ।

୩ ମା ବୁବା ମାପୁରୁଦି ଲାକ୍‌ତୁ ଏଡକିଜି ମାନାପ୍, ଏଣ୍ଡେସ୍ ମିର୍ ନିଜେଦି ବିସ୍‌ବାସ୍‌ତିଙ୍ଗ୍ ପାଣିଦୁ ତର୍‌ସିନିଦେର୍, ଜିବନ୍‌ନୋଜି ମିସାଜି ଏଣ୍ଡେସ୍ ଆଟ୍‌ଝା ପାଣି କିଜିନିଦେର୍ ମାରି ମା ପ୍ରବୁ ଜିସୁ କ୍ରିସ୍ତଦି ଲାକ୍‌ତୁ ମି ଆସା ଏଣ୍ଡେସ୍ ଆଟ୍‌ଝା ।

୪ ଏ ନା ତଡ଼ାନ୍‌କୁ ନି ତାଙ୍ଗ୍‌କି ! ମାପ୍ ନେସ୍‌ନାପ୍ ଜେ, ମାପୁରୁ ମିଙ୍ଗ୍ ଜିବନ୍‌ନୋନାନ୍ ମାରି ଖାନି ନିଜେଦି ଲୋକ୍ ଆନି ଉଣ୍ଡିଙ୍ଗ୍ ମିଙ୍ଗ୍ ଆସ୍‌କିତାମାନାନ୍ ।

୫ ଇରିଙ୍ଗ୍ କେବଲ୍ ମାଟାଦାନ୍ ଆଏଡ୍, ପବିତ୍ରଆମ୍ବାଦି ସାକାଦି ସାକ୍ରିଦି ଖାଲେ, ନେଟିକାବୁର୍‌ତି ସଡ଼ତାନ୍ ଝିଜୁନେସ୍‌ନିଖାଜା ଝେରସି

ମାପ୍ ଆକା ମି ଲାକ୍ତୁ ଖେରତାମାର୍ହାପ୍ । ମିର ନେସ୍ନିଦେର୍, ମି  
ଝାଲେ ମାରିଇଝାଲେ ମାଡ୍ ଏଣ୍ଡେସ୍ ଜିଜିମାଡିଜି ମାରିକା; ଏଣ୍ଡେସ୍  
କେବଲ ମି ସାକା ମା ଜିବନ୍ତୁ ବଦାମାର୍ହାଡ୍ ।

୬ ✨ମିର ମାଙ୍ଗ୍ ମାରି ମା ପ୍ରବୁଦି ଖେନ୍କା ସର୍ଇମାରିଇଦେର୍  
ମାରି ନାଣ୍ଟୁ ଦୁଃକକାସ୍ ବୋଗାଡିଙ୍ଗବା ପବିତ୍ର ଆମ୍ବାଦିମାଣାନ୍ ପୟ୍ତି  
ଝେଡିକାଦି ଝାଲେ ଆୟା ନେଗିକାବୁର୍ ମାନାତିମାରିଇଦେର୍ ।

୭ ଇୟାଝାଜା ମିର ମାସିଦୋନିଆ ମାରି ଆକାୟାଦୁ ମାନି ଝିନ୍ତୁ  
ବିସ୍ବାସ୍ତି ଲୋକା ଉଣ୍ଡିଙ୍ଗ ନେଗିସାରି ତର୍ନି ଲୋକ୍ ଝାଜା  
ଆତିମାରିଇଦେର୍ ।

୮ ମି ଲାକ୍ତୁରାନ୍ ପ୍ରବୁଦି ବାକ୍ୟ ଜେ କେବଲ ମାସିଦୋନିଆ  
ଆକାୟାଦୁ ଝେଙ୍ଗ୍ ତା ମାର୍ହାଡ୍, ଆକା ସିଲେ, ମାତର୍ ମାପୁରୁଦି  
ଉଣ୍ଡିଙ୍ଗ ମି ବିସ୍ବାସ୍ତି ବିସୟ୍ ଝିନ୍ତୁ ବାଡିଦୁ ଇୟାଝାଜା ଝେଙ୍ଗ୍ ତା  
ମାର୍ହାଡ୍ ଜେ, ଆୟା ବିସୟ୍ତାନ୍ ମାଡୁ ଇନିକା ଖେରତେଙ୍ଗ୍ ଦର୍କାର୍  
ସିଲେଡ୍ ।

୯ ମାପ୍ ମି ଲାକ୍ତୁ ସନିଝାଲେ ମିର ଏଣ୍ଡେସ୍ ମାଙ୍ଗ୍ ଝେଡିକାଦାନ୍  
କୁକ୍ତିମାରିଇଦେର୍ ମାରି ଦିୟାମ୍ ପୂଜା ଡିସ୍ସି ସଡ୍ ମାରି ଜିବନ୍ମାନି  
ମାପୁରୁଙ୍ଗ ଉପାସନା କିଦେଙ୍ଗ୍ ଆଗ୍ଡି ଝାତିମାରଇଦେର୍;

୧୦ ମାରି ଏଣ୍ଡେସ୍ ମାପୁରୁଦି ରିସାଦାନ୍ ମାଙ୍ଗ୍ ରକିୟାକିନି  
ଉଣ୍ଡିଙ୍ଗ, ସାତିମାଣାନ୍ ଜିବନ୍ଆଜିନିଙ୍ଗ୍ ତାନ୍ ଝାନି ମାରିସି  
ଜିସୁ ମୁସ୍କୁପୁରତାନ୍ ମାରିଡେସିଝାନିତାନିଙ୍ଗ୍ ମିର କାପ୍କିଜି  
ଡେବାତିମାନିଦେର୍, ଇୟାଝିନ୍ତୁ ବିସୟ୍ତାନ୍ ଆବେଣି ଲୋକୁ  
ଝାର୍ଗିଜିସାଜି ମାର୍ହାଡ୍ ।

## ୨

### ଡେସଲନିକାଦୁ ପାଉଲତି ପାଣି

୧ ଏ ନା ତଡାନ୍କୁ ନି ତାଙ୍ଗ୍ କି ! ମିର ନିଜେ ନେସ୍ନିଦେର୍ ଜେ,  
ମି ଲାକ୍ତୁ ମା ଝାନିକା ଆର୍ଏ ସିଲେ ।

୨ ☆ ତେସଲନିକାଦୁ ମି ଲାକ୍ତୁ ଖାନିଆଗ୍ତି ପିଲିପିତୁ ମା ଉଣ୍ଡିଙ୍ଗ୍ ଏଣ୍ଡେସ୍ ତାଗ୍‌ଇ ବ୍ୟବହାର୍ ମାରି ନିୟା କିଆୟ୍‌ଆତାମାର୍‌ହାର୍, ଆକା ମିର୍ ନେସ୍‌ନିଦେର୍ । ମାରିବା ନାଣ୍ଟୁ ବିରୋଦ୍ କିତିଙ୍ଗ୍‌ବା, ମାପୁରୁଦିମାଣାନ୍ ପୟ୍‌ତିମାନି ସୁସମାଚାର୍ ମିଙ୍ଗ୍ ଝେର୍‌ନି ଉଣ୍ଡିଙ୍ଗ୍ ଖାନ୍ ମାଙ୍ଗ୍ ବପୁ ସିତାମାର୍‌ହାନ୍ ।

୩ ଇନିକା ବାୟା ନି ଅଦାମ୍‌ଦି ଖାଜା ତାସି ମାପ୍ ମି ଲାକ୍ତୁ ମା ମାଟା ଝେର୍‌ଏପ୍‌ମାର୍‌ହାପ୍, ମାରିବା ମିଙ୍ଗ୍ ଟକେ କିଦେଙ୍ଗ୍ ଇନିକାବା ସାଲାକିଦି ଖାଜା କିଏପ୍‌ମାର୍‌ହାପ୍ ।

୪ ମାତର୍ ମାପୁରୁଦି ବଦାଦି ମାଟା ମାପ୍ ଝିଜୁଦିନ୍ ଝେର୍‌ସିମାନାପ୍, ଇରିଙ୍ଗ୍ ଖାନ୍ ମାଙ୍ଗ୍ ବଦାକିଜି ମା ମୁସ୍‌କୁ ନେଗିକାବୁର୍ ଝେର୍‌ତେଙ୍ଗ୍ ଦାଇଡ୍ ସିତା ମାର୍‌ହାନ୍ । ଲୋକାଙ୍ଗ୍ ଝେଡିକା କିନିକା ମା ବଦା ସିଲେଡ୍ । ଆମା ମାପୁରୁ ମା ମୋନ୍‌ତି ଅଡ୍‌ବିନିକା ପରିକା କିଜି ସୁଡ୍‌ନାନ୍, କେବଲ ଖାନିଙ୍ଗ୍ ଝେଡିକା କିନି ଉଣ୍ଡିଙ୍ଗ୍ ମାପ୍ ସେସ୍‌ କିଜିନାପ୍ ।

୫ ମିର୍ ନେଗେନ୍‌ତାନ୍ ନେସ୍‌ତୁ ଜେ, ସୁରିମାଟା ଝେର୍‌ସି ମି ଲାକ୍ତୁ ରେଏପ୍ ମାର୍‌ହାପ୍, ମାରି ମା ଲୋବ୍‌ତିଙ୍ଗ୍ ଆଡିକ୍‌ନି ଉଣ୍ଡିଙ୍ଗ୍ ମି ଲାକ୍ତୁ ସାଲାକି ବ୍ୟବହାର୍ କିଏପ୍ ମାର୍‌ହାପ୍, ଇୟା ବିସୟ୍‌ତାନ୍ ମାପୁରୁ ମା ସାକି ।

୬ ମାପ୍ ମିମାଣାନ୍ ମାରି ଆଇଝାରିମାଣୁକୁ ପ୍ରସଂସା ପୟ୍‌ଦେଙ୍ଗ୍ ଇଜି ମାପ୍ ବଦା କିଏପ୍ ମାର୍‌ହାପ୍,

୭ ମାରିବା କ୍ରିସ୍‌ତି ପ୍ରେରିତ ସିସୁ ଖାଜା ମାପ୍ ମିମାଣୁକୁ ଆକା ଦାବି କିଦେଙ୍ଗ୍ ଆଟ୍‌ତାପ୍‌ମାନ୍ତି । ମାତର୍ ଯାୟା ଏଣ୍ଡେସ୍ ନିଜେଦି କଡକକ୍ତାରିଙ୍ଗ୍ ଜାତୁନ୍ କିନାମାନାଡ୍, ମି ଲାକ୍ତୁ ମାର୍‌ଇ ଖାଲେ ମାପ୍ ମି ଉଣ୍ଡିଙ୍ଗ୍ ଆୟାଝାଜା ଜିବନ୍‌ନୋତା ମାର୍‌ହାପ୍ ।

୮ ମି ଉଣ୍ଡିଙ୍ଗ୍ ମା ଜିବନ୍‌ନୋନିକା ମାନିଙ୍ଗ୍ ମାପ୍ ଆୟାଝାଜା ମିଙ୍ଗ୍ ମାପୁରୁଦି ସୁସମାଚାର୍ କେବଲ ଆଏଡ୍, ମାତର୍ ନିଜେ ନିଜେଦି ଜିବନ୍ ବା ସିଦେଙ୍ଗ୍ ବଦା ମାର୍‌ହାଡ୍, ଇରିଙ୍ଗ୍ ମିର୍ ମା ଏସା ତଡ୍ ମାର୍‌ଇଦେର୍ ।

୯ ଏ ତଡାନ୍‌କୁ ନି ତାଙ୍ଗ୍‌କି, ମା ପାଣି ମାରି ଆଟ୍‌ଝା ପାଣି ମି ପୁରା ଏଡ୍ ମାନାଡ୍, ମି ଲାକ୍ତୁ ଏଣ୍ଡେସ୍ ମାପୁରୁଦି ନେଗିକାବୁର୍ ଝେର୍‌ନି

ଝାଲେ ମି ମୁସକୁ ବୋଜୁ ଆଇ ଉଣ୍ଡିଙ୍ଗ୍ ମାପ୍ ନାଡ଼ାଝେଡ଼େ କାସୁପାଣି କିତାମାର୍ହାପ୍ ।

୧୦ ମିର୍ ମାରି ନିଜେ ମାପୁରୁ ମା ସାକି ମି ଝାଜା ବିସ୍ବାସ୍‌ଝାରି ଲାକ୍‌ତୁ ମା ସାଲାବୁଲାନିକା ନେଗିକା, ନ୍ୟାୟବିସାର୍ ମାରି ଦସ୍ ସିଲେତାଡ଼ ।

୧୧ ମିର୍ ନେସ୍‌ନିଦେର୍, ବୁବା ଏଣ୍ଡେସ୍ ନିଜେଦି କଡ଼କକ୍ରାରି ଉଣ୍ଡିଙ୍ଗ୍ ବ୍ୟବହାର୍ କିତାନ୍‌ମାନ୍, ମାପ୍ ମି ଉଣ୍ଡିଙ୍ଗ୍ ଟିକ୍ ଆୟାଝାଜା ବ୍ୟବହାର୍ କିତାମାର୍ହାପ୍ ।

୧୨ ମାପ୍ ମିଙ୍ଗ୍ ସାସ୍ ସିତାମାର୍ହାପ୍, ସାନ୍ତି ସିତା ମାର୍ହାପ୍, ମାରି ମିର୍ ଏଣ୍ଡେସ୍ ମାପୁରୁଦି ବଦା ବ୍ୟବହାର୍ କିଜି ଝାନି ରାଜି ମାରି ଗୌରବ୍‌ଦି ବାଗ୍ ଆନି ଉଣ୍ଡିଙ୍ଗ୍ ଝାନି ମାଟା ମାନାଦେଙ୍ଗ୍ ଆଟ୍‌ନିଦେର୍, ଇୟାଉଣ୍ଡିଙ୍ଗ୍ ଝେଡ଼ିକା ସିତାମାର୍ହାପ୍ ।

୧୩ ମାପ୍ ଝିଜୁଦିନ୍ ମାପୁରୁଙ୍ଗ୍ ଦନ୍ୟବାଦ୍ ସିଜିମାନାପ୍, ତାନି ଆଇ ଉନ୍‌ଡ୍ରା ମାଟା ବା ମାନାଡ଼ । ମାପ୍ ଏସ୍ତିଝାଲେ ମି ଲାକ୍‌ତୁ ମାପୁରୁଦି କାବୁର୍ ତାତାମାର୍ହାପ୍, ମିର୍ ଆକା ଲୋକା କାବୁର୍ ଇଜି ଅଡ଼ବିଏଣ୍ଡା, ମାପୁରୁଦି କାବୁର୍ ଝାଜା ଝେରଈମାର୍‌ଇଦେର୍ ମାରି ମାନାତିମାର୍‌ଇଦେର୍ । ସଡ଼ତାନ୍ ଆକା ମାପୁରୁଦି କାବୁର୍ ମାରି ମି ଝାଜା ବିସ୍ବାସ୍‌ରି ଜିବନ୍‌ତୁ ଆକା ପାଣି କିଜିନାଡ଼ ।

୧୪ ☆ଏ ତଡ଼ାନ୍‌କୁ ନି ତାଙ୍ଗ୍‌କି, ଜିହୁଦା ଦେସ୍‌ତୁ ମାନି ଜିସୁଦି ମଣ୍ଡୁଲିଆଙ୍ଗ୍ ମାରି ଆବେଣି କ୍ରିସ୍‌ବିସ୍‌ବାସ୍‌ରି ଉଣ୍ଡିଙ୍ଗ୍ ଆମାକା ଗଟାତାମାର୍ହାଡ଼, ମି ଉଣ୍ଡିଙ୍ଗ୍ ବା ଆକା ଗଟାତାମାନାଡ଼ । ଝାର୍ ଜିହୁଦିରିମାଣୁକୁ ଏଣ୍ଡେସ୍ ଦୁଃକ୍‌କାସୁ ବୋଗାତା ମାର୍ହାର୍, ମିର୍ ବା ନିଜେଦି ଦେସ୍‌ତି ଲୋକାମାଣୁକୁ ଦୁଃକ୍‌କାସୁ ବୋଗାତି ମାନିଦେର୍ ।

୧୫ ☆ଆୟା ଜିହୁଦିରି ପ୍ରବୁ ଜିସୁଙ୍ଗ୍ ମାରି ବାବବାଦିରିଙ୍ଗ୍ ସାୟାମାର୍‌ଗାତାକ୍‌ତା ମାର୍ହାର୍ ମାରି ମାଙ୍ଗ୍ ବା ଦୁଃକ୍‌କାସୁ ସିତାମାର୍ହାର୍ । ଝାରି ଉଣ୍ଡିଙ୍ଗ୍ ମାପୁରୁ ଝେଡ଼ିକା ଆଏନ୍ ! ସାରାଦୁନିଆଦି ଲୋକୁ ଜାତିଦୁ ଝାର୍ ସାଡ଼ୁ ।

☆ ୨:୧୪ ପ୍ରେରିତ ୧୭:୫.

☆ ୨:୧୫ ପ୍ରେରିତ ୯:୨୩,୨୯; ୧୩:୪୫,୫୦; ୧୪:୨,୫,୧୯; ୧୭:୫,୧୩; ୧୮:୧୨.

୧୭ ଇୟାଞ୍ଜା ଆମା ସୁସମାଚାର ପ୍ରସାରଦାନ ଅଣଜିହ୍ଵଦିରି  
ରକିୟା ପୁରା ଆଦେଙ୍ଗ ଆଚ୍‌ନାଡ଼, ଆବେଶକୁ ଖାର ମାଙ୍ଗ  
ବାଦା ସିନାର । ଇୟାଞ୍ଜା ଖାର ଝିଜୁଦିନ୍ ନିଜେ ନିଜେଦି ପାପ  
ପୁରା କିଜିମାନାର । ସାରାସାରିଝେନ୍‌କା ଇଲେଇ ଖାରି ବିରୁଦ୍‌ତାନ୍  
ମାପୁରୁଦି ରିସା କାସ୍‌ସିନାଡ଼ ।

ମାରିଡେସି ସନି ଉଣ୍ଡିଙ୍ଗ ପାଉଲତି ବଦା

୧୮ ଏ ତଡାନ୍‌କୁ ନି ତାଙ୍ଗି, ଏସ୍ତିଞ୍ଜାଲେ ଅଡପ୍ ସମୟ ଉଣ୍ଡିଙ୍ଗ ମି  
ଲାକ୍‌ତୁରାନ୍ ମାପ୍ ଝେର୍‌ଏ ଆତାମାର୍‌ହାପ୍ ଏଣ୍ଡେସବା ମେନ୍‌ଲୁତିଞ୍ଜା,  
ମାତର୍ ମା ମନ୍‌ତୁ ମିର୍ ଝିଜୁଦିନ୍ ମାନିଦେର୍ । ମିଙ୍ଗି ଏଡକିଜି ମାପ୍  
ଏସା ସିନ୍ତା ଆତାମାର୍‌ହାପ୍ ମାରି ମାରିଡେସି ମିଙ୍ଗି ସୁଡନ୍ତି ଉଣ୍ଡିଙ୍ଗ ମାପ୍  
ଏସ ଇଚ୍ଛା କିତାମାର୍‌ହାପ୍ ।

୧୯ ମି ଲାକ୍‌ତୁ ଡେସିସନି ଉଣ୍ଡିଙ୍ଗ ମାଙ୍ଗି ବେସି ଇଚ୍ଛା ମାର୍‌ହାଡ଼  
ମାରି ନାନ୍ ପାଉଲ ନିଜେ ଡେସିସନି ଉଣ୍ଡିଙ୍ଗ ରୁଣ୍ଡି ଦେବେଙ୍ଗ ସେସ୍ତା  
କିତାମାର୍‌ହା, ମାତର୍ ସୟତାନ୍ ମାଙ୍ଗି ବାଦା ସିତାଡ଼ ।

୨୦ ଖାନ୍ ଆମାକାଆପିନ୍, ନା ଆସା, ମା ପ୍ରୁ ଜିସୁଦି ଖାନିବେଡାଦୁ  
ଖାନି ଆଗଡ଼ି ଆଇଞ୍ଜାରି ଖାଜା ମିର୍ ବା ମା ଆସା, ଝେଡିକା ମାରି  
ଜିଣାନି ଗାର୍‌ବୁଦି ମାଟା ଆନାଡ଼ ।

୨୦ ସଡତାନ୍, ମିର୍ ମା ଗୌରବ୍ ମାରି ଝେଡିକା ।

## ୩

୧ ☆ଆୟାଉଣ୍ଡିଙ୍ଗ, ମାପ୍ ମାରି ଝେନ୍‌ଡେଙ୍ଗ ଆର୍‌ଏଆଜି ତିର୍  
କିତାପ୍ ଜେ, ମାପ୍ ଝେନ୍‌କା ଆଡେନ୍‌ସ୍‌ଦୁ ଅରେନ୍‌ନେ ଜିଜି ମାଡିଜି  
ଡେବାନାପ୍,

୨ ମାତର୍ ମିଙ୍ଗି ତିର୍ କିଦେଙ୍ଗ ମାରି ମିଙ୍ଗି ବିସ୍‌ବାସ୍ ଡାଟ୍ କିନି  
ଉଣ୍ଡିଙ୍ଗ ମି ଲାକ୍‌ତୁ ମା ତଡାନ୍ ତିମତିଙ୍ଗ ପୋକ୍‌ତାନାପ୍ । ଖାନ୍ ମା  
ଞ୍ଜାଲେ ଅରସେପାଣି କିଜି କ୍ରିସ୍ତୁଦି ନେଗି କାରୁର୍ ପ୍ରଚାର କିଜି ମାପୁରୁଦି  
ସେବା କିଜିନାନ୍ ।

୩ ମି ମୁସ୍‌କୁ ଖାଜିମାନି କାସ୍ତୁ ଉଣ୍ଡିଙ୍ଗ ଏନ୍ ଏଣ୍ଡେସ୍ ସାରି  
ବାଣାମାକିନ୍, ଇୟାଉଣ୍ଡିଙ୍ଗ ଖାନ୍ ମିଙ୍ଗି ସାହାଜ୍ୟ କିନାନ୍ ।

ଏଣେସ୍‌ବା ମିର ନେସ୍‌ନିଦେର୍, ମାପ୍ ଇୟାଞ୍ଜାଳା କାସ୍ ପୟନାପ୍, ଇକା ମାପୁରୁଦି ଇଛା ।

୪ ମି ଖାଲେ ମାନିଞ୍ଜାଲେ, ମାପ୍ ନାଶ୍ ଆଗଡ଼ିରାନ୍ ଖେରତା ସିତାମାର୍ହାପ୍, ମାଙ୍ଗ୍ ଦୁଃକ୍‌କାସ୍ ବୋଗାଦେଙ୍ଗ୍ ଆନାଡ଼ । ଇଲେଇ ମିର ନେସ୍‌ନିଦେର୍, ଟିକ୍ ଆକାନେ ଗଟାନାଡ଼ ।

୫ ଆୟାଉଣ୍ଡିଙ୍ଗ୍ ତିମତିଙ୍ଗ୍ ପୋକ୍‌ତାତା । ନାନ୍ ମାରି ତିର୍ ଆଜି ମାନ୍‌ଡ୍ରେଙ୍ଗ୍ ଆଟ୍‌ଏତା । ମିର ମି ବିସ୍‌ବାସ୍‌ତୁ ତାଟ୍ ମାନିଦେର୍ ନୋ ସିଲେ, ନେସ୍‌ନି ଉଣ୍ଡିଙ୍ଗ୍ ନାନ୍ ଖାନିଙ୍ଗ୍ ପୋକ୍‌ତାତା । ଏଣେସାତିଙ୍ଗ୍ ସୟତାନ୍ ମିଙ୍ଗ୍ ପରିକା କିନାଡ଼ ମାରି ମା ଖିଜୁ ପାଣି ଆରେଏ ଆନାମାନାଡ଼ ? ସିଲେ, ଇକା ଏସ୍‌କାଙ୍ଗ୍ ପୁରା ଆଏଡ଼ ।

୬ ଇଲେଇ ମି ଲାକ୍‌ତୁରାନ୍ ଡେସି ଖାଜି ତିମତି ମି ବିସ୍‌ବାସ୍ ମାରି ଜିବନ୍‌ନୋନି ବିସୟତାନ୍ ନେଗି ମାଟା ତାତାମାନାନ୍ । ଖାନ୍ ମାଙ୍ଗ୍ ଖେରତା ମାନାନ୍ ଜେ, ମିର୍ ଖିଜୁଦିନ୍ ମା ନେଗି ପାଣି କିଜିନିଦେର୍ ମାରି ମାପ୍ ଏଣେସ୍ ମିଙ୍ଗ୍ ସୁଡ଼ୁଦେଙ୍ଗ୍ ବଦା, ମିର୍ ବା ଆୟାଞ୍ଜାଳା ମାଙ୍ଗ୍ ସୁଡ଼ୁଦେଙ୍ଗ୍ ଇଛା କିଜିନିଦେର୍ ।

୭ ଇୟାଉଣ୍ଡିଙ୍ଗ୍, ଏ ତଡାନ୍‌କୁ ନି ତାଙ୍ଗ୍‌କି, ମା ଖିଜୁ ଦୁଃକ୍‌କାସ୍ ସମୟତୁ ମାପ୍ ମି ଉଣ୍ଡିଙ୍ଗ୍ ସାସ୍ ଆଜିନାପ୍ । ମି ତାଟ୍ ବିସ୍‌ବାସ୍‌ନେ ମାଙ୍ଗ୍ ସତତାନ୍ ଜିପିସ୍ କିତା ଇଟ୍‌ତାମାନାଡ଼ ।

୮ ମାରିବା ଇଲେଇ ମାପ୍ ଜିତା ମାନାପ୍ ପ୍ରବୁଦି ମାନ୍ ତିର୍ ଆତାମାନାପ୍, ମିର୍ ତାଟିଞ୍ଜାଳା ପ୍ରବୁଦି ଖାଲେ ମିସାବିଡ଼ା ଆଜି ଜିଜିମାଡ଼ିଜିନିଦେର୍ ।

୯ ଇଲେଇ ମି ଉଣ୍ଡିଙ୍ଗ୍ ମାପୁ ଆମା ଖେଡ଼ିକାତୁ ଖେଡ଼ିକା ଆଜିନାପ୍, ଆୟାଉଣ୍ଡିଙ୍ଗ୍ ମାପୁରୁଙ୍ଗ୍ ଏଣେସ୍ ଦନ୍‌ସବାଦ୍ ସିନାପ୍, ନେସ୍‌ଡେଙ୍ଗ୍ ଆଟ୍‌ଏଜିନାପ୍ ।

୧୦ ମିଙ୍ଗ୍ ବେଟ୍‌ବୁଡ଼ାଜି ମି ବିସ୍‌ବାସ୍‌ତୁ ଆମାକା ଉଣାମାନାଡ଼, ଆକା ପୁରା କିଦେଙ୍ଗ୍ ଇଜି ମାଙ୍ଗ୍ ସୁଜୋଗ୍ ସିଦେଙ୍ଗ୍ ଖେଡେନାଡ଼ା ମାପ୍ ମାପୁରୁଙ୍ଗ୍ ପାର୍‌ତନା କିଜିନାପ୍ ।

୧୧ ମି ଲାକ୍‌ତୁ ଖାନି ଉଣ୍ଡିଙ୍ଗ୍ ମା ବୁବା ମାପୁରୁ ମାରି ମା ପ୍ରବୁ ଜିସୁ ମା ସାରି ତିଆର୍ କିଜ ସିପିନ୍ ।

୧୭ ମି ଉଣ୍ଡିଙ୍ଗ୍ ମା ଜିବନ୍‌ନୋନିକା ଏଣ୍ଡେସ୍ ନାଣ୍ଡ, ଆୟାଞ୍ଜାଜା ନିଜେନିଜେଦି ଉଣ୍ଡିଙ୍ଗ୍ ମାରି ଝିଜେରି ଉଣ୍ଡିଙ୍ଗ୍ ପ୍ରବୁ ମି ଜିବନ୍‌ନୋନିକା ନାଣ୍ଡ ପରିସ୍ କିପନ୍ ।

୧୮ ଇୟାଞ୍ଜାଜା ଖାନ୍ ମିଙ୍ଗ୍ ତିର୍ କିନାନ୍ । ଆର୍ଡିଙ୍ଗ୍, ମା ପ୍ରବୁ ଜିସୁ ଏସ୍ତିଞ୍ଜାଲେ ମୁସ୍‌କୁପୁରତି ସାଦୁରି ଖାଲେ ମାରିଡେସି ଖାନାନ୍, ନାସ୍ତିଞ୍ଜାଲେ ମିର୍ ବୁବା ମାପୁରୁଦି ଆଗ୍ତି ଦାମ୍ ମାରି ପବିତ୍ର ଆଦେଙ୍ଗ୍ ଆର୍ନିମାନିଦେର୍ ।

## ୪

### ମାପୁରୁଦିଙ୍ଗ୍ ଝେଡିକାକିନି ଜିବନ୍

୧ ସାରାସାରିଝେନକା, ତଡାନକୁ ନି ତାଙ୍ଗ୍ କି, ମାପୁରୁଙ୍ଗ୍ ଝେଡିକା କିନି ଉଣ୍ଡିଙ୍ଗ୍ ଏଣ୍ଡେସ୍ ଜିଜି ମାଡିଜିଦେଙ୍ଗ୍ ଆନାଡ୍, ଆୟା ମାଣାନ୍ ଅଜାତିମାନିଦେର୍ । ଏଣ୍ଡେସବା ଆୟାଞ୍ଜାଜା ଦାନ୍ ମିର୍ ଜିଜି ମାଡିଜି ଝାଜିନିଦେର୍, ମାତର୍ ଇୟାମାଣାନ୍ ଅଡପ୍ ନାଣ୍ଡ କିଦେଙ୍ଗ୍ ମିଙ୍ଗ୍ ମାପ୍ ଇଲେଇ ପ୍ରବୁ ଜିସୁଦି ଦର୍ତ୍ତାନ୍ ଝେଡିକା ନି ଅନୁରୋଦ୍ କିଜିନାପ୍ ।

୨ ମାପ୍ ପ୍ରବୁ ଜିସୁଦି ମାଣାନ୍ ଅଦିକାର୍ ପୟତାପ୍ ମିଙ୍ଗ୍ ଆମା ଆମା ଆଦେସ୍ ସିତାମାରୁର୍ତ୍ତାପ୍, ଆକା ମିର୍ ନେସ୍‌ନିଦେର୍ ।

୩ ମିର୍ ଏଣ୍ଡେସ୍ ପବିତ୍ର ଆନିଦେର୍, ଇକାନେ ମାପୁରୁଦି ବଦା, ଅର୍ତ୍ତାଡ୍ ମିର୍ ଏଣ୍ଡେସ୍ ଦାରିପାଣିଦାନ୍ ଆକ ତେବାନିଦେର୍ ।

୪ ଝିଜେରେ ଲୋକ୍ ନେସ୍‌ନିକା ମାନାଡ୍ ଜେ ଏଣ୍ଡେସ୍ ନିଜେ ନିଜେଦି ଆଡସିକା ଖାଲେ ପବିତ୍ର ନି ସନ୍‌ମାନ୍‌ତାନ୍ ଜିନିକା ମାନାଡ୍ ।

୫ ମାପୁରୁଙ୍ଗ୍ ନେସ୍‌ଇମାନି ଦୁନିଆଦି ଅଣଜିହୁଦି ଲୋକା ଝାଜା ଲାଲାୟ୍ ଆମାଟ୍ ।

୬ ଏମେ କ୍ରିସ୍ଟ ବିସ୍‌ବାସ୍‌ତି ତଡାନ୍ ଉଣ୍ଡିଙ୍ଗ୍ ଅନ୍‌ୟାୟ୍‌ପାଣି କିମାଟ୍, ମାରି ଝାନିଙ୍ଗ୍ ବାଣ୍ଡିସ୍ କିମାଟ୍ । ଇୟା ମାଟା ମାପ୍ ଆଗ୍ତିରାନ୍‌ନେ ଝେରତାମାନାପ୍ ମାରି ତାଟ୍‌ତାନ୍ ଜାଗାଟ୍‌ତା କିତାମାନାପ୍, ଆମାକାର୍ ଆୟାଞ୍ଜାଜା କିନାର୍, ପ୍ରବୁ ଝାରିଙ୍ଗ୍ ସାସ୍ତି ସିନାନ୍ ।

୭ ମାପୁରୁ ମାଙ୍ଗ୍ ତାଗ୍‌ଇକାର୍ ଆଜି ଜିନିମାଡିନି ଉଣ୍ଡିଙ୍ଗ୍ କୁକ୍‌ଏନ୍, ମାତର୍ ପବିତ୍ର ଆଜି ମାନ୍‌ଡେଙ୍ଗ୍ କୁକ୍‌ତାମାନାନ୍ ।



୮ ମାରି, ଏନ୍ ମା ଇୟା ମାଟାଦିଙ୍ଗ୍ ମାନାଏନ୍, ଖାନ୍ ଲୋକ୍ତିଙ୍ଗ୍ ମାନାଏନ୍, ମାତର୍ ଆମା ମାପୁରୁ ମିଙ୍ଗ୍ ମନ୍ତୁ ନିଜେଦି ପବିତ୍ରଆମ୍ବା ସିନାନ୍, ଖାନିଙ୍ଗ୍ ମାନାଏନ୍ ।

୯ ଇଲେଇ କ୍ରିସ୍ତିସବାସସିର୍ ମି ଜିବନ୍ନୋନି ବିସୟତାନ୍ ମାପ୍ ମାରି ନାଣ୍ଟ ରାସ୍ନିକା ଦରକାର୍ ସିଲେ । ନିଜେନିଜେଦିଙ୍ଗ୍ ଏଣ୍ଡେସ୍ ଜିବନ୍ନୋନିକା ମାନାଡ୍, ଇକା ନିଜେ ମାପୁରୁମାଣାନ୍ ଅଜାତିମାନିଦେର୍ ।

୧୦ ସତ୍ତାନ୍ ଝିଜୁ ମାସିଦୋନିଆଦୁ ମାନି କ୍ରିସ୍ତିଦି ବିସବାସସିର୍ ତଡ଼ାନ୍କା ଉଣ୍ଡିଙ୍ଗ୍ ମିର୍ ଆୟାଝାଜା ପାଣି କିତିମାନିଦେର୍ । ଆତିଙ୍ଗ୍ବା ମାରି ନାଣ୍ଟଦାନ୍ ଆକା କିଦୁ, ମିଙ୍ଗ୍ ନିସନେ କେବଲ ଅନୁରୋଦ୍ କିଜିନାପ୍ ।

୧୧ ଆଗ୍ତିରାନ୍ ଏଣ୍ଡେସ୍ ଝେର୍ତାମାର୍ହାପ୍, ସାନ୍ତିଦାନ୍ ଜିନିମାଡିନିକା, ନିଜେଦି ପାଣିଦୁ ମୋନ୍ ସିଜି ମାରି ନିଜେ ନିଜେଦି ଜିନିକା ଉଣ୍ଡାକିନିକା ମିଦି ପୁରା ଆପିଡ୍ ।

୧୨ ଇୟାଝାଜା କିନି ମାଣ୍ଟକୁ ମିର୍ ଅବିସବାସିରି ଖାରିମାଣାନ୍ ବା ସନ୍ମାନ୍ ପୟନିଦେର୍ ମାରି ମି ଝିଜୁ ଦରକାର୍ତି ଉଣ୍ଡିଙ୍ଗ୍ ଏ ମୁସକୁ ଆସା ଇଡିନି ଦରକାର୍ ସିଲେଡ୍ ।

### ପ୍ରବୁଦି ଖାନିକା

୧୩ ଏ ତଡ଼ାନ୍କୁ ନି ତାଙ୍ଗ୍ କି, ଆସାସିଲି ଆଇ ଝିଜେରିଲୋକା ଝାଜା ମିର୍ ଏଣ୍ଡେସ୍ ଦୁକ୍ସିକ୍ତାକିମାର୍, ଇୟାଉଣ୍ଡିଙ୍ଗ୍ ସାତିମାନି ଲୋକା ବିସୟତାନ୍ ମିର୍ ଜେ ସଡ୍ ନେସ୍ମାର୍, ଇକା ମା ବଦା ସିଲେଡ୍ ।

୧୪ ଆୟାଉଣ୍ଡିଙ୍ଗ୍ ମାଡ୍ ବିସବାସ୍ କିନାର୍ ଜେ, ଜିସୁ ସାଜି ମାରିଡେସି ନିଙ୍ଗ୍ ତାନ୍, ଆଦେଙ୍ଗ୍ ମାପ୍ ଆର୍ଝା ବିସବାସ୍ ଜେ, ଜିସୁଦିମାନୁ ବିସବାସ୍ କିଜି ଆମାକାର୍ ସାନାର୍, ଜିସୁଦି ମାରିଡେସି ଖାନିଝାଲେ ମାପୁରୁ ଖାରିଙ୍ଗ୍ ଜିସୁଦି ଝାଲେଅନାନ୍ ।

୧୫ ମାପ୍ ଇଲେଇ ମିଙ୍ଗ୍ ଆମା ସିକିୟା ସିଜିନାପ୍, ଆକା ପ୍ରବୁଦି ସିକିୟା । ପ୍ରବୁଦି ଖାନିଦିନ୍ତୁ ମାଡ୍ ଆମାକାର୍ ଜିବନ୍ମାନିକା, ପୁର୍ବେଦାନ୍ ସାତିମାନି ଲୋକାମାଣ୍ଟୁ ଆଗ୍ତି ଆଜି ସଲ୍ଲକା ।

୧୭ ନାସ୍ତିତ୍ୱାଳେ ପେରି ବଲ୍‌ତାନ୍ ଉନ୍‌ତ୍ରି ଆଦେସ୍ ଆନାଡ୍, ପେରି ମୁସ୍‌କୁପୁରତି ଦୁଡ୍‌ତି ବଲ୍ଲୁ ଝେନିଦେର୍, ମାପୁରୁଦି ମରିବାଜା ଆଉଲି ଝେନିଦେର୍ ମାରି ପ୍ରବୁ ମୁସ୍‌କୁପୁରତାନ୍ ରେସିଝାନାନ୍ । କ୍ରିସ୍‌ମାନୁ ବିସ୍‌ବାସ୍ କିଜି ଆମାକାର୍ ସାତାମାନାର୍, ଝାର୍ ଆଗ୍‌ଡି ଜିବନ୍‌ଆଜି ନିଙ୍ଗି ନାର୍;

୧୮ ତାନେଝେନ୍‌କା ମାଡ୍ ଆମାକାର୍ ଆୟା ସମୟ୍‌ତୁ ଜିବନ୍‌ ତେବାନାମାନାପ୍, ବାଦ୍‌ଡତ୍ ଝାରି ଝାଲେ ନିଙ୍ଗି ଝାର୍ ବାଦ୍‌ଡତି ଦୁରିଦୁ ପ୍ରବୁଦି ଝାଲେ ବେଟ୍‌ଆନାର୍, ତାନେଝେନ୍‌କା ମାଡ୍ ଝିଜୁଦିନ୍‌ତିଙ୍ଗ୍ ପ୍ରବୁଦି ଝାଲେ ମାନିକା ।

୧୯ ମାରି, ଇୟାଝିଜୁ ମାଟା ଝେର୍‌ସି ମିର୍ ନିଜେନିଜେଦିଙ୍ଗ୍ ଝେଡିକା କିଦୁ ।

## ୫

### ପ୍ରବୁଦି ଝାନିଦିନ୍‌ତି ଉଣ୍ଡିଙ୍ଗ୍ ତିଆର୍ ଆଦୁ

୧ ଏ ତଡାନ୍‌କୁ ନି ତାଙ୍ଗି, ଇୟାଝିଜୁ ବିସୟ୍‌ତାନ୍ ଏସକାଙ୍ଗ୍ ମାରି ଆମା ବେଡାଦୁ ଗଟାନାଡ୍, ଆୟା ବିସୟ୍‌ତାନ୍ ମି ଲାକ୍‌ତୁ ନାଣ୍ଡି ରାସ୍‌ନିକା ଲୋଡା ସିଲେଡ୍,

୨ ☆ଇରିଙ୍ଗ୍ ନାଡା ତଙ୍ଗିରେଏନ୍ ଝାନି ଝାଜା ପ୍ରବୁଦି ଦିନ୍ ଜେ ଝାନାଡ୍, ଇକା ମିର୍ ନେଗେନ୍‌ତାନ୍ ନେସ୍‌ନିଦେର୍ ।

୩ ଏସ୍ତିଝାଲେ ଲୋକୁ ସାନ୍ତି ମାରି ନେଗିବାଡି ଇଜି ଝେର୍‌ସି ମାନି ଝେଡାଦୁ ଆୟାଦାପ୍ରେ ଝାରି ମୁସ୍‌କୁ ସାନିକା ତିଗ୍‌ଜି ଝାନାଡ୍ । ପଟାଦୁମାନି ଆଇମାଦି ଜନମ୍‌କିନି କାସ୍‌ ଝାଜା ଆକା ନେସ୍‌ଇଝାଜା ଦାପ୍ରେ ଇଗା ଝାନାଡ୍ ମାରି ଏନ୍ ଆୟା ଆଗ୍‌ଡିରାନ୍ ଉର୍‌କୁଡେଙ୍ଗ୍ ଆଟ୍‌ଏନ୍ ।

୪ ମାଡର୍ ତଡାନ୍‌କୁ ନି ତାଙ୍ଗି, ମିର୍ ସିକାଟିଦୁ ବାସା କିଇଦେର୍, ଆଦେଙ୍ଗ୍ ଆୟା ନାଣ୍ଡିଙ୍ଗ୍ ତଙ୍ଗିରେଏନ୍ ଝାଜା ନେସ୍‌ଇଝାଜା ମି ଲାକ୍‌ତୁ ଝାନାନ୍ ।

୫ ଇରିଙ୍ଗ୍ ମିର୍ ଝିଜୁ ଜାୟ୍ ନି ଝେଡେରି କଡର୍ । ମାଡ୍ ନାଡା ନି ସିକାଟିଦି କଡର୍ ଆଏପ୍ ।

☆ ୫:୨ ମାତିଉ ୨୪:୪୩; ଲୁକ ୧୨:୩୯; ୨ ପିତର ୩:୧୦.

୬ ମାରି ରାତ୍ର, ମାତ୍ ଆଇ ଲୋକା ଖାଜା ସୁଦ୍ଧାଗା, ଜାଗାରତା ଆଜି ସେତା ତେବାନାଟ୍ ।

୭ ଲୋକୁ ନାଡ଼ା ସମୟତୁ ସୁଦ୍ଧାମାନାର୍, ନାଡ଼ା ଖାର ଅଙ୍ଗୁରରସ ଉଣ୍ଡି ସୋସନାର୍ ।

୮ ☆ମାତର୍ ମାତ୍ ଖେଡ଼େରି କଡ଼ର୍ ମାରି ଖିଜୁଦିନ୍ ଜାଗାରତା ମାନଜି । ରାତ୍ର, ବିସବାସ୍ ମାରି ଜିବନ୍ନେନିଖାଜା ବକାଦିସାଜୁ ଆରାଜି ମାରି ରକିୟାଦି ଆସା ଇଡ଼ଜି ଟପି ତାଲାଦୁ ଆରାନାଟ୍ ।

୯ ଇରିଙ୍ଗ୍ ମାପୁରୁ ମାଙ୍ଗ୍ ଖାନି ରିସାଦି ଲୋକ୍ ଆଦେଙ୍ଗ୍ ଆସକିଏନ୍, ପ୍ରବୁ ଜିସୁ କ୍ରିସ୍ତିଦି ମାଣକୁ ମାଙ୍ଗ୍ ରକିୟା କିନି ଉଣ୍ଡିଙ୍ଗ୍ ତିର୍ କିତାମାନାନ୍ ।

୧୦ କ୍ରିସ୍ତିଦି ମାରିଡ଼େସି ଖାନିଖାଲେ ମାତ୍ ଜିବନ୍ ମାନାଟ୍ ନୋ ସିଲେଟ୍, ଖାନି ଖାଲେ ଏଣ୍ଡେସ୍ ମିସାନା ତେବାନାଟ୍, ଆୟାଉଣ୍ଡିଙ୍ଗ୍ ଖାନ୍ ମା ଉଣ୍ଡିଙ୍ଗ୍ ସାତାନ୍ ।

୧୧ ଆର୍ଡିଙ୍ଗ୍ ଇଲେଇ ଏଣ୍ଡେସ୍ କିଜିନିଦେର୍, ଟିକ୍ ଆୟାଖାଜା ନିଜେଦିଙ୍ଗ୍ ନି ଆଇଖାରିଙ୍ଗ୍ ଖେଡ଼ିକା ନି ସାହାଜ୍ୟ କିଜିମାନ୍ତୁ ।

### ସାରାସାରି ମାଟା ନି ନମସ୍କାର୍

୧୨ ଏ ତଡ଼ାନ୍କୁ ନି ତାଙ୍ଗ୍ କି, ଆମାକାର ମି ଲଇ ଖାନଜିପାଣି କିଜିନାର୍ ମାରି କ୍ରିସ୍ତାନ୍ ଜିବନ୍ତୁ ମିଙ୍ଗ୍ ସାହାଜ୍ୟ କିଜିନାର୍ ମାରି ପ୍ରବୁଦି ନେଗିମାଟା ଖେରସିନାର୍, ଖାରିଙ୍ଗ୍ ମାନାଦେଙ୍ଗ୍ ମାପ୍ ମିଙ୍ଗ୍ ବାଡିଙ୍ଗ୍ମାଲ୍ଜିନାପ୍ ।

୧୩ ମାରି, ଖାରି ପାଣି ଉଣ୍ଡିଙ୍ଗ୍ ଖାରିଙ୍ଗ୍ ଜିବନ୍ତାନ୍ ନାଣ୍ଡି ଜିବନ୍ନୋଦୁ । ନିଜେନିଜେଦି ଖାଲେ ସାନ୍ତିଦାନ୍ ତେବାଦୁ ।

୧୪ ଏ ତଡ଼ାନ୍କୁ ନି ତାଙ୍ଗ୍ କି, ମାପ୍ ମିଙ୍ଗ୍ ମାଡ଼ିସ୍ କିଜିନାପ୍, ଗାଡ଼ୟା ପାଣି କିଜିମାନି ଲୋକାଙ୍ଗ୍ ଜାଗାରତା କିଦୁ, ତିଲାନିଖାରିଙ୍ଗ୍ ସାହାସ୍ ସିଦୁ, ବପୁସିଲିଖାରିଙ୍ଗ୍ ଜାତୁନ୍ କିଦୁ ମାରି ଖିଜେରି ଉଣ୍ଡିଙ୍ଗ୍ ସାହାସ୍ ଆଦୁ ।

୧୫ ଏନ୍ ଏହି ଅନ୍ୟାୟ ବାଦ୍ଲୁ ଅନ୍ୟାୟ କିମାକିନ୍, ମାରି ଖିଜୁଦିନ୍ ଖିଜେରି ନେଗିକା ସେସ୍ତୁ କିପିନ୍ ।

୧୬ ଖିଜୁଦିନ୍ ଖେଡ଼ିକା ଆଜି ମାନ୍ତୁ ।

୧୭ ରମ୍ବଣ୍ଡା ପାରତାନା କିଦୁ ।

୧୮ ଓଁକୁ ଅବସ୍ଥାଦୁ ଦନ୍ୟବାଦ୍ ସିଦୁ । କ୍ରିସ୍ତ ଜିସୁଦି ଖାଲେ ମିସାଜି ଜିଜି ମାଡ଼ିଜି, ମିମାଣ୍ଡୁକୁ ମାପୁରୁ ଇକାନେ ବଦା କିନାନ୍ ।

୧୯ ପବିତ୍ର ଆମ୍ବାଦିଙ୍ଗ୍ ବାଦାସିମାଟ୍ ।

୨୦ ପବିତ୍ର ଆମ୍ବାଦି ବାକ୍ୟଦିଙ୍ଗ୍ କାଡ଼ମାଟ୍ ।

୨୧ ଓଁକୁ ବିସୟତିଙ୍ଗ୍ ପରିକା କିଜ ସୁଡ଼ୁ : ଆମାକା ଓଁକୁ ସଡ଼, ତାନିଙ୍ଗ୍ ମାନାଦୁ;

୨୨ ଓଁକୁ ରକମ୍ତି ତାରୁଇପାଣିଦାନ୍ ଆକତେବାଦୁ ।

୨୩ ଆମା ମାପୁରୁ ମାଙ୍ଗ୍ ସାନ୍ତି ସିନାନ୍, ଖାନ୍ ମିଙ୍ଗ୍ ପୁରାପୁରି ପବିତ୍ର କିପିନ୍ ମାରି ମା ପ୍ରବୁ ଜିସୁ କ୍ରିସ୍ତଦି ଖାନିଦିନ୍ତି ସମୟତୁ ମି ଆମ୍ବା, ପୁଣ୍ଡା, ମେନ୍ଦଲତିଙ୍ଗ୍ ପୁରାପୁରି ଦସ୍ ସିଲେଶଗା ଇଡ଼ୁ ।

୨୪ ଏନ୍ ମିଙ୍ଗ୍ କୁକ୍ତାମାନାନ୍, ଖାନ୍ ଆକା କିନାନ୍, ଇରିଙ୍ଗ୍ ଖାନ୍ ବିସ୍ବାସତିକାନ୍ ।

୨୫ ତଡ଼ାନ୍କୁ ନି ତାଙ୍ଗ୍ କି, ମା ଉଣ୍ଡିଙ୍ଗ୍ ବା ପାରତାନା କିଦୁ ।

୨୬ ଓଁକୁ ବିସ୍ବାସଲୋକାଙ୍ଗ୍ ପବିତ୍ର ରୁମାଦାନ୍ ମାଡ଼ିସ୍ କିଦୁ ।

୨୭ ପ୍ରବୁଦିମାଣକୁ ଅଦିକାର ପୟଆୟ ଆତିମାନି ଉଣ୍ଡିଙ୍ଗ୍ ନାନ୍ ମିଙ୍ଗ୍ ବାତିଙ୍ଗ୍ ମାଲ୍ଜିନା, ଓଁକୁ ବିସ୍ବାସଲୋକା ଲାକ୍ତୁ ଇୟା ଆକୁ ପଡ଼ାଦୁ ।

୨୮ ମା ପ୍ରବୁ ଜିସୁ କ୍ରିସ୍ତଦି ଦୟା ଓଁଜେରି ସାକା ଆପିଡ଼ ।

## ମାପୁରୁଦି ସବ୍ ବାକ୍ୟ

### **The New Testament in the Konda Porja Lanugage of India. Konda-Dora: ମାପୁରୁଦି ସବ୍ ବାକ୍ୟ (Bible)**

copyright © 2020 The Word for the World International and Konda Porja Translation Samithi, Dasamanthpur, Odisha

Language: Konda Porja (Konda-Dora)

Contributor: The Word for the World South Asia

## ମାପୁରୁଦି ସବ୍ ବାକ୍ୟ

ପୁନି ନିୟମ, 2020

The New Testament in Konda Porja Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-07

---

PDF generated using Haiola and XeLaTeX on 6 May 2025 from source files dated 7 May 2025

506ae627-08e2-556a-b39e-5315f886d95a